



Republika e Kosovës  
Republika Kosova – Republic of Kosovo  
**ORGANI SHQYRTUES I PROKURIMIT**  
**TELO ZA RAZMATRANJE NABAVKE**  
**PROCUREMENT REVIEW BODY**



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë  
Tel: 383 38 312 309 email: [oshp@rks-gov.net](mailto:oshp@rks-gov.net)

**OSHP: 2024/0251**  
**Data e Vendimit: 27.03.2024**

Në bazë të nenit 105 pika 1 dhe 2, të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të ankesës së Operatorit Ekonomik OE “Petra Plast” L.L.C. kundër njoftimit të kontratës ose me dokumentet e tenderit lidhur me aktivitetin e prokurimit “Shërbime të hotelerisë-bufesë në Universitet” me numër të prokurimit 10208-23-9564-2-2-1, inicuar nga autoriteti kontraktues (AK) – “UNIVERSITETI UKSHIN HOTI”, Kryetarja e Organit Shqyrtues të Prokurimit Vjosa Gradinaj Mexhuani me datën: 27.03.2024, mori këtë:

## **Vendim**

**I.** Hedhet si e palejuar, ankesa e “Petra Plast” L.L.C. me nr. të protokollit 2024/0251, e datës 21/03/2024, ankesë kjo e parashtruar për aktivitetin e prokurimit “Shërbime të hotelerisë-bufesë në Universitet”, me numër të prokurimit 10208-23-9564-2-2-1, inicuar nga autoriteti kontraktues (AK) – “UNIVERSITETI UKSHIN HOTI”.

**II.** I lejohet, autoritetit kontraktues – “UNIVERSITETI UKSHIN HOTI” që të vazhdojë më tutje me aktivitetin e prokurimit “Shërbime të hotelerisë-bufesë në Universitet” me numër të prokurimit 10208-23-9564-2-2-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

## **Arsyetim**

### *-Faktet dhe rrethanat procedurale-*

Organi Shqyrtues i Prokurimit në sistemin elektronik me datë 21.03.2024, ka pranuar ankesën lidhur me aktivitetin e prokurimit me titull: “Shërbime të hotelerisë-bufesë në Universitet” me numër të prokurimit 10208-23-9564-2-2-1, inicuar “UNIVERSITETI UKSHIN HOTI”, në cilësinë e Autoriteti Kontraktues.

Me 30.10.2023, “UNIVERSITETI UKSHIN HOTI” në cilësinë e Autoritetit Kontraktues ka publikuar B05-Njoftimin për kontratë, ku sipas këtij njoftimi afati i fundit për dorëzimin e

ofertave ka qen data: 20.11.2023.

Me datën 05.03.2024 “UNIVERSITETI UKSHIN HOTI” ka publikuar njoftimin B54 Formulari standard për korrigjimin e gabimeve ne njoftimet e publikuara ku sipas këtij njoftimi afati i fundit për dorëzimin e ofertave ka qen data: 15.03.2024.

OE “Petra Plast” L.L.C. me 10.03.2024 OE kishte bërë kërkesë për rishqyrtim pranë AK-së. Ndërsa me datë 12.03.2024 AK e ka refuzuar kërkesën e Operatorit Ekonomik si të pa bazuar.

- *Vlerësimi dhe administrimi i provave* – Nga provat e prezantuara vërtetohet se për aktivitetin e prokurimit “Shërbime të hotelerisë-bufesë në Universitet” me numër të prokurimit 10208-23-9564-2-2-1, iniciuar nga “UNIVERSITETI UKSHIN HOTI”, njoftimi për kontratë është publikuar në sistemin e-prokurimi me datë 30.10.2023, afati i fundit për pranim të tenderëve ishte data 15.03.2024. Ndërsa me datë 10.03.2024 OE “Petra Plast” L.L.C. kishte bërë kërkesë për rishqyrtim pranë AK-së. Autoriteti Kontraktues me datën 12.03.2024 e ka refuzuar kërkesën e Operatorit Ekonomik si të pa bazuar.

Ankuesi ka qenë i obliguar që në pajtim me paragrafin 3.1 të nenit 108/A të LPP-së, brenda afateve ligjore të parashtroj kërkesë për rishqyrtim në AK dhe vetëm pas udhëheqjes së procedurave paraprake në AK, Operatori ekonomik në pajtim me nenin 109 të LPP-së do të mund ti drejtohet me ankesë OSHP-së. Neni 108/A paragrafi 3.1 i LPP-së përcakton se operatori ekonomik ankues kërkesën për shqyrtim duhet të dorëzoj tek autoriteti përkatës kontraktues: *“..në qoftë se shkelja e supozuar ka të bëjë me njoftimin e kontratës ose me dokumentet e tenderit brenda pesë (5) ditëve para afatit të fundit për dorëzim të ofertave. Po ashtu, edhe neni 60.1 pika a) në Rregulloren 001/2022 për Prokurim Publik përcakton se: Kurdo që kërkesa për rishqyrtim ka të bëjë me njoftimin e kontratës ose me dokumentet e tenderit se paku pesë (5) ditë para afatit të fundit për dorëzim të ofertave. Në kalkulim të afateve kohore dita e dorëzimit të ofertave është dita (0). Ky afat nuk aplikohet në rastet kur AK bën zgjatje të afatit të fundit për dorëzimin e ofertave pas vendimit për refuzim të kërkesës për rishqyrtim sipas nenit 63.1.1 të kësaj rregulloreje...”*. Andaj nga provat e prezantuara dhe rrjedha e këtij aktiviteti të prokurimit konstatohet se ankesa e parashtruar në Organin Shqyrtues të Prokurimit me datë 21/03/2024 nga OE “Petra Plast” L.L.C. për aktivitetin e prokurimit me titull: “Shërbime të hotelerisë-bufesë në Universitet” me numër të prokurimit 10208-23-9564-2-2-1, iniciuar nga “UNIVERSITETI UKSHIN HOTI” hedhet e palejuar sepse e njëjta nuk është parashtruar në pajtim me nenin 108/A të LPP-së si dhe nenin 60 par.1 të Rregullores për Prokurim Publik. Po ashtu referuar interpretimit të KRPP-së të datës 07.11.2023, 630/2023, i cili interpretim sqaron afatet ligjore për ankimim, konstatojmë se kjo ankesë hedhet si e pa lejuar sepse ankuesi nuk ka parashtruar kërkesën për rishqyrtim brenda afateve ligjore kundër njoftimit të Autoritetit Kontraktues.

Megjithatë Organi Shqyrtues i Prokurimit sqaron se vetëm pas udhëheqjes së një procedure paraprake të rregullt dhe brenda afateve ligjore pranë AK, ankuesi mund ti drejtohet me ankesë OSHP-së. Si përfundim kjo ankesë është në kundërshtim me nenin 108/A, 109 dhe të Ligjit për Prokurim Publik, dhe nenit 60 të Rregullores 001/2022 për Prokurim Publik, dhe si e tillë hedhet si e pa lejuar dhe nuk hynë në shqyrtim nga OSHP. Megjithatë, OSHP gjithnjë niset nga rregullat, zgjidhjet dhe parimet e LPP sipas të cilit secili AK ushtron pavarësinë e tij/sajë në kuptim të nenit 8 dhe 9 lidhur me planifikimin e prokurimit dhe parashikimin e nevojave, mirëpo kriteret e parapara gjithnjë duhet ta garantojnë barazinë e OE të cilët parashihen si të tillë edhe me DT e cila në kuptim të nenit 27, lidhur me nenin 28, përbën dokumentin kyç të prokurimit publik. Prandaj në kuptim të nenit Neni 51 (Njoftimi i Kriteve të Përzgjedhjes) të

LPP, sipas të cilit të gjithë kriteret e përzgjedhjes duhet të kufizohen vetëm në kriteret e nevojshme për të siguruar se vetëm operatorët ekonomik që posedojnë aftësitë e nevojshme profesionale, financiare dhe teknike për ti përmbushur kushtet e kontratës përkatëse do të konsiderohen të kualifikuar për të marrë një kontratë të tillë ose për marrjen e ftesës për tenderim. Dhe se, në asnjë rast, autoriteti kontraktues **nuk duhet që të përfshijë, saktësojë ose përdorë kriteret e përzgjedhjes që bazohen në konsiderata të tjera përveç atyre të lejuara nga dispozitat e neneve 65-70 të këtij ligji.** Andaj Paneli Shqyrtues i vë në dijeni AK se në çdo aktivitet duhet të veprojnë kufizime dispozitave dhe autorizimeve ligjore siç parashihen ato me nenet 1,6,7, 27,28,51,59,60, 69 të LPP.

Autoritetit kontraktues – “UNIVERSITETI UKSHIN HOTI”, mund të vazhdojë më tutje me aktivitetin e prokurimit “Shërbime të hotelerisë-bufesë në Universitet” me numër të prokurimit 10208-23-9564-2-2-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit. Po ashtu zyra për pranimin e ankesave ka konstatuar se ankuesi nuk ka paraqitur dëshmi për pagesën e tarifës me rastin e parashtrimit të ankesës në OSHP konform nenit 111 të LPP-së.

Kryetarja e OSHP-së, duke u bazuar në atë që u tha si më lartë, vendosi si në dispozitiv të këtij vendimi.



**Vjosa Gradinaj**  
Kryetare e OSHP-së

### **Këshillë juridike:**

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komerciale - Departamentit për çështje Administrative për anulim vendimi në afat prej 30 ditësh nga data e pranimi të vendimit.

### **Vendimi t'i dorëzohet:**

- **AK - UNIVERSITETI UKSHIN HOTI**
- **OE - Petra Plast L.L.C.**
- Arkivës së OSHP-së: